

者譬如城有多門入處各各至處不異有人光明觸身而得度者有若見光明若觸身不得度者

經尔時世尊舉身毛孔皆亦微笑而放諸光遍照三千大千世界復至十方如恒河沙等世界若有衆生遇斯光者必得阿耨多羅三

藐三菩提論問曰上已舉身微笑今何以故

復一切毛孔皆笑答曰舉身微笑是鹿分今一切毛孔皆笑是細分復次先舉身微笑光明有數今一切毛孔皆笑有光明而無數復

次先舉身光明所未度者今值毛孔光明即便得度譬如擣樹取葉熟者前墮若未熟者更復後擣又如捕魚前網不盡後網乃得笑因緣如上說

十八末

聖七

五

大智度論卷第八

聖六

龍樹菩薩造姚秦三藏法師鳩摩羅什譯
釋初品中放光之餘

經尔時世尊以常光明遍照三千大千世界亦至東方如恒河沙等諸佛世界乃至十方亦復如是若有衆生遇斯光者必得阿耨多

羅三藐三菩提論問曰上已舉身微笑及放毛孔光明今何以復放常光而照十方答曰有人見異光明謂非佛光見佛常光轉大心則歡喜此寶佛光便必至阿耨多羅三藐三菩提問曰云何爲常光答曰佛身四邊各一丈光明菩薩生便有此是三十二相之一名

大智度論卷第七

挽音賈客上古駛使美膳下時伯仲季伯長也仲中也蔓莫官迦蒲末刺郎達弥梯下也

爲丈光相問曰佛何以故光常一丈而不多
答曰一切諸佛常光無量常照十方世界釋
迦牟尼佛神通身光無量或一丈百丈千丈
萬億乃至滿三千大千世界乃至十方如諸
佛常法但於五濁世爲衆生少德少智故受
一丈光明若受多光今衆生薄福鈍根目不

堪其明如人見天身眼則矢明以光盛眼微
故若衆生利根福重佛則爲之現無量光明
復次有人見佛常光歡喜得度譬如國王以
常食之餘賜諸群下得者大喜佛亦如是有
人見佛種種餘光心不歡喜見佛常光必至
阿耨多羅三藐三菩提

經余時世尊出廣長舌相遍覆三千大千世
界熙怡微笑從其舌根出無量千萬億光
是一一光化成千葉金色寶華是諸華上皆
有化佛結跏趺坐說六波羅蜜衆生聞者必
得阿耨多羅三藐三菩提復至十方如恒河
沙等諸佛世界皆亦如是論問曰如佛世尊

大德尊重何以故出廣長舌似如輕相答曰
上三種放光照十方衆生令得度脫今欲口
說摩訶般若波羅蜜摩訶般若波羅蜜甚深
難解難知難可信受是故出廣長舌爲證舌
相如是語必真實如昔一時佛於舍婆提國
受歲竟阿難從佛遊行諸國欲到婆羅門城
婆羅門城王知佛神德能化衆生感動群心
今來到此誰復樂我便作制限若有與佛食
聽佛語者輸五百金錢作制限後佛到其國
將阿難持鉢入城乞食城中衆人皆閉門不
應佛空鉢而出是時一家有一老使人持破
瓦器盛臭潘灑出門棄之見佛世尊空鉢而

三八

二

來老使人見佛相好金色白毫肉髻丈光鉢
空無食見己思惟如此神人應食天厨今自
降身持鉢行乞必是大慈愍一切故信心清
淨欲好供養無由如願慚愧白佛思欲設供
更不能得今此弊食佛須者可取佛知其心
信敬清淨申手以鉢受其施食佛時即笑出

五色光普照天地還從眉間相入阿難合掌長跪白佛唯然世尊今笑因緣願聞其意佛告阿難汝見老女人信心施佛食不阿難言見佛言是老女人施佛食故十五劫中天上人間受福快樂不墮惡道後得男子身出家學道成辟支佛入無餘涅槃尔時佛邊有一婆羅門立說偈言

汝是日種利利姓淨飯國王之太子

而以食故大妄語如此臭食報何重

是時佛出廣長舌覆面上至髮際語婆羅門言汝見經書頗有如此舌人而作妄語不婆羅門言若人舌能覆鼻言無虛妄何況乃至髮際我心信佛必不妄語不解小施報多如是佛告婆羅門汝頗曾見世所希有難見事不婆羅門言見我曾共婆羅門道中行見一尼拘盧陀樹蔭覆賈客五百乘車蔭猶不盡是謂希有難見事也佛言此樹種子其形大小答言大如芥子三分之一佛言誰當信汝

言者樹大乃小而種子甚小婆羅門言寶亦出尊我眼見之非虛妄也佛言我亦如是見老女人淨信心施得大果報亦如此樹因少報多又是如來福田良美之所致也婆羅門心開意解五體投地悔過向佛我心無狀愚不信佛佛爲種種說法得初道果即時舉手大發聲言一切衆人甘露門開如何不出城中一切諸婆羅門皆送五百金錢與王迎佛供養皆言得甘露味誰當惜此五百金錢衆人皆去制限法破是婆羅門王亦共臣民歸命佛法城中人一切皆得淨信如是佛出廣長舌相爲不信者故問曰如爲婆羅門出舌相覆面今舌相光明何以乃至三千大千世界答曰覆面髮際爲小信故今爲般若波羅蜜大事興故廣長舌相覆三千大千世界問曰是一城中人盡得見此覆面舌相猶尚爲難何況今說摩訶般若波羅蜜一切大會此及其他方無量衆集而得盡見又以人目所覩不

過數里今言遍三千大千世界無乃大而難
信答曰佛以方便借其神力能令一切皆見
舌相覆此三千大千世界若不加神力雖復
十住亦不知佛心若加神力乃至畜生能知
佛心如般若波羅蜜後品中說一切衆人皆
見阿閦佛會與眼作對亦如佛說阿彌陀佛
世界種種嚴淨阿難言唯願欲見佛時即令
一切衆會皆見無量壽佛世界嚴淨見佛舌
相亦復如是佛以廣長舌相遍覆三千大千
世界已然後便笑笑因緣如上說問曰前已
出舌相光明今何以故舌根復放光明答曰
欲令一切得重信故又以舌相色如珊瑚金
光明淨共相發起故復放光復次是諸光明
變成千葉金色寶華從舌相出此千葉金色
寶華光明徹照如日初出問曰何以故光明
中變化作此寶華答曰佛欲坐故問曰諸床
可坐何必蓮華答曰床爲世界白衣坐法又
以蓮華軟淨欲現神力能坐其上令不壞故

聖八

四

三

七

六

五

四

三

二

一

七

一

又以莊嚴妙法座故又以諸華皆小無如此
華香淨大者人中蓮華大不過尺漫陀耆尼
池及阿那婆達多池中蓮華大如車蓋天上
寶蓮華復大於此是則可容結跏趺坐佛所
坐華復勝於此百千萬倍又如此蓮華臺嚴
淨香妙可坐復次劫盡燒時一切皆空衆生
福德因緣力故十方風至相對相觸能持大
水水上有一千頭人二千手足名爲韋紐是
人齊中出千葉金色妙寶蓮華其光大明如
萬日俱照華中有人結跏趺坐此人復有無
量光明名曰梵天王此梵天王於諸姪瞋已盡無餘
生天地人民是梵天王於諸姪瞋已盡無餘
以是故言若有人修禪淨行斷除姪欲名爲
行梵道佛轉法輪或名法輪或名梵輪是梵
天王坐蓮華上是故諸佛隨世俗故於寶華
上結跏趺坐說六波羅蜜聞此法者必至阿
耨多羅三藐三菩提問曰釋迦文尼佛化作
無量千萬億諸佛云何一時能說法耶如阿

毗曇說一時無二心若化佛語時化生應默化主語時化亦應默云何一時皆說六波羅蜜答曰如此說者外道及聲聞變化法耳如佛變化無量三昧力不可思議是故佛自語時無量千萬億化佛亦一時皆語又諸外道及聲聞化不能作化如佛世尊化復作化諸

聖八

五

外道及聲聞滅後不能留化如佛世尊身滅度後復能留化如佛無異復次阿毗曇中一時無二心今佛亦如是當化語時亦不有心佛心念化欲令化語即便皆語問曰佛今欲說般若波羅蜜何以令化佛說六波羅蜜答曰是六波羅蜜及般若波羅蜜一法無異是五波羅蜜不得般若波羅蜜不名波羅蜜如禮波羅蜜不得般若波羅蜜沒在世界有盡法中或得阿難漢辟支佛道般涅槃若得般若波羅蜜共合是名波羅蜜能至佛道以是故般若波羅蜜與六波羅蜜一法無異般若波羅蜜有二種一者莊嚴二者未莊嚴如人

著好瓔珞莊嚴其身有人不著名未莊嚴亦如國王將諸營從是名王來若無營從是名獨身如是東方如恒河沙等世界乃至十方亦尔問曰若佛有如是大神力無數千萬億化佛乃至十方說六波羅蜜度脫一切應盡得度不應有殘答曰有三障三惡道中衆生不能解知人中天上若大小若大老若大病及上無色無想天皆不能聞不能知問曰諸能聞能知者何以不皆得道答曰是亦不應盡得道何以故結使業障故有人於結使重常爲結使覆心以是故不盡得道問曰當令十方諸佛亦應遣化說六波羅蜜我等亦無三障何以不聞答曰當今衆生生活在惡世則入三障中生在佛後不善業報或有世界惡罪業障或有厚重結使障墮在佛後人多爲厚重結使所障或姪欲薄而瞋恚厚瞋恚薄而姪欲厚姪欲薄而愚癡厚愚癡薄而瞋恚厚如是等展轉互有厚薄是結使障故不聞

不知化佛說法不見諸佛光明何況得道
如日出盲人不見便謂世間無有日月日有何咎又如雷電震地聾人不聞聲聲有何過
今十方諸佛常說經法常遣化佛至十方世
界說六波羅蜜罪業盲聾故不聞法聲以是
故不盡聞見雖復聖人有大慈心不能令皆

聖八

大

聞皆見若罪欲滅福將生者是時乃得見佛
聞法

經
爾時世尊故在師子座入師子遊戲三昧
以神通力感動三千大千世界六種震動論
問曰此三昧何以名師子遊戲答曰譬如師
子搏鹿自在戲樂佛亦如是入此三昧能種

種迴轉此地令六反震動復次師子遊戲譬如師子戲日諸獸安隱佛亦如是入是三昧
時震動三千大千世界能令三惡衆生一時
得息皆得安隱復次佛名人師子師子遊戲
三昧是佛戲三昧也入此三昧時令此大地
六種震動一切地獄惡道衆生皆蒙解脫得

生天上是名爲戲問曰佛何以入此三昧答
曰欲動三千大千世界出三惡道衆生著二善
道中故復次上三種變化出自佛身人或信
心不深今動大地欲令衆生知佛神力無量
能令外物皆動信淨心喜皆得離苦問曰有
諸阿羅漢及諸天亦能動地何以獨言是佛
神力答曰諸阿羅漢及諸天不能具足動唯
佛世尊能令大地六種震動問曰佛何以故
震動三千大千世界答曰欲令衆生知一切
皆空無常故有諸人言大地及日月須彌大
海是皆有常是以世尊六種動地示此因緣
今知無常復次如人欲染衣先去塵土佛亦

聖八

十

如是先令三千世界衆生見佛神力敬心柔
軟然後說法是故六種動地云何六種動
經東踊西沒西踊東沒南踊北沒北踊南沒
邊踊中沒中踊邊沒論問曰何以故正有六
種動答曰地動有上中下者二種動或東
踊西沒或南北或邊中中者有四或東西南

北或東西邊中或南北邊中上者六種動有種種因緣令地大動如佛告阿難八因八緣令地震動如別說復次有人言四種地動火動龍動金翅鳥動天王動二十八宿日月一周繞若月至昴宿張宿氐宿婁宿室宿胃宿是六種宿中余時地動若崩是動屬火神是時無兩江河枯竭年不宜麥天子凶大臣受殃若柳宿尾宿箕宿壁宿奎宿危宿是六種宿中余時地動若崩是動屬龍神是時無兩江河枯竭年不宜麥天子凶大臣受殃若參宿鬼宿星宿軫宿亢宿翼宿是六種宿中余時若地動若崩是動屬金翅鳥是時無兩江河枯竭年不宜麥天子凶大臣受殃若心宿角宿房宿女宿虛宿井宿畢宿觜宿十宿是九種宿中余時地動若崩是動屬天帝是時安隱風雨宜五穀天子吉大臣受福萬民安隱復次地動因緣有小有大有動一閻浮提有動四天下一千二千三千太千世界小動

以小因緣故若福德人若生若死一國地動是爲小動大動大因緣故如佛初生時初成佛時將滅度時三千大千世界皆爲震動是爲大動今佛欲大集衆生故令此地六種震動復次般若波羅蜜中授諸菩薩記當得作佛佛爲天地大主是時地神大喜我今得主是故地動譬如國主初立臣民喜慶皆稱萬歲踊躍歌舞復次三千大千世界衆生福德因緣故有此大地山河樹木一切衆物而衆生不知無常是故佛以福德智慧大力動此世界衆生福德今知微薄一切磨滅皆歸無常

○地皆柔軟令衆生和悅

論問曰地動云何

聖八

能令衆生心得和悅答曰心隨身故身得樂事心則欣悅者共住之人及便身之具能令心悅今以是三千大千世界雜惡衆生其心鹿羣無有善事是故世尊動此大地令皆柔軟心得利益譬如三十三天王歡樂園中諸天入者心皆柔軟歡樂和悅鹿心不生若阿

脩羅起兵來時都無鬪心是時釋提婆那民
將諸天衆入鹿澀園中以此園中樹木華實
氣不和悅鹿澀惡故諸天人衆鬪心即生佛
亦如是以此大地鹿澀弊惡故變令柔軟使
一切衆生心得喜悅又如呪術藥草熏人鼻
時志心便生即時鬪諍復有呪術藥草令人
心和悅歡喜微心相向呪術草藥尚能如此
何況三千大千世界地皆柔軟

是三千大千世界中地獄餓鬼畜生及八
難處即時解脫得生天上從四天王天處乃
至他化自在天論問曰苦佛入師子遊戲三
昧能令地獄餓鬼畜生及餘八難皆得解脫
生四天處乃至他化自在天者復何用修福
行善乃得果報答曰此如上說福德多者見
光得度罪垢深者地動乃度譬如日出照蓮
華池熟者先開生者未敷佛亦如是先放光
明福熟智利先得解脫其福未熟智心不利
是故未得佛大慈悲等度一切無憎愛也亦

聖六

九

如樹菓人動其樹熟者先墮佛亦如是是三
千大千世界如樹動之者佛先度者菓熟未
度者菓生問曰何以故善心因緣生欲界天
不生色界及無色界答曰佛欲度此衆生令
得道證無色界中以無身故不可爲說法色
界中則無眾心難可得道禪樂多故慧心則
鈍復次佛以神通感動令此三千大千世界
地皆柔軟衆生心信得歡喜故生欲界天不
得四禪及四空定故不得生色無色界問曰
五陰無常空無我云何生天人中誰死誰生
者答曰是事讚菩薩品中已廣說今當略答
汝言五衆無常空無我者是般若波羅蜜中
五陰無常空無我若如外道求索實我是不可得但有假名種種因
緣和合而有此名字譬如幻人相殺人見
其死幻術令起人見其生生死名字有而無
實世界法中實有生死實相法中無有生死
復次生死人有生死不生死人無生死何以

故不生死人以大智慧能破生相如說
佛法相雖空亦復不斷滅雖生亦非常
諸行業不失諸法如芭蕉一切從心生
若知法無實是心亦復空若有人念空
是則非道行諸法不生滅念有故失相
有念墮魔網無念則得出心動故非道
不動是法印

經是諸天人自識宿命皆大歡喜來詣佛所
頭面禮佛足却住一面論問曰諸天生時有
三事自知知所來處知所修福田知本所
作福德是人生時無此三事云何識宿命答
曰人道不定或有識者或不識者復次假佛
神力則識宿命問曰諸天有報五神通自識

宿命能到佛所人雖蒙佛神力得知宿命所
住處遠云何能至佛所答曰或有人生報得
神通如轉輪王聖人等或有人假佛神力問
曰人生十月三年乳哺十歲後能自出今蒙
佛威神三惡八難皆得解脫生天人中即至

問曰若釋迦文尼佛以大神力廣度十方復何須餘佛答曰衆生無量不一時熟故又衆生因緣各各不同如聲聞法中說舍利弗因緣弟子除舍利弗諸佛尚不能度何況餘人復次今但說東方一恒河沙等不說若三四乃至千萬億恒河沙等諸世界又以世界

四十八

士

無邊無量若有邊有量衆生可盡以是故十方無量世界諸佛應度

經余時三千大千世界衆生盲者得視聾者得聽瘡者能言狂者得正亂者得定躁者得衣飢渴者得飽滿病者得愈形殘者得具足
問曰衆生苦患百千種若佛神力何以不遍令得解脫答曰一切皆救今但略說麁者如種種結使略說爲三毒問曰但言盲者得視則足何以故言生盲答曰生盲者先世重罪故重罪者猶尚能令得視何況輕者問曰云何先世重罪而令生盲答曰若破衆生眼若出衆生眼若破正見眼言無罪福是人死

墮地獄罪畢爲人從生而盲若復盜佛塔中火珠及諸燈明若阿羅漢辟支佛塔珠及燈明若餘福田中奪取光明如是等種種先世業因緣故失眼今世若病若打故失眼是今世因緣復次九十六種眼病閻那迦藥王所不能治者唯佛世尊能令得視復次先令得視復令得智慧眼聾者得聽亦如是問曰若有生盲何以不說生聾答曰多有生盲生聾者少是故不說問曰以何因緣故聾答曰聾者是先世因緣師父教訓不受不行而反瞋恚以是罪故聾復次截衆生耳若破衆生耳若盜佛塔僧塔諸善人福田中捷稚鈴貝及鼓故得此罪如是等種種先世業因緣今世因緣若病若打如是等是今世因緣得聾問曰瘡者不能言作何等罪故瘡答曰先世截他舌或塞其口或與惡藥令不得語或聞師教父母教勑斷其語非其教或作惡邪人不信罪福破正語受地獄罪出生世爲人瘡不能言

如是種種因緣故應問曰狂者得正云何爲
狂答曰先世作罪破他坐禪破坐禪舍以諸
呪術呪人令瞋鬪諱姦欲今世諸結使厚重
如婆羅門失其稻田其婦復死即時狂發裸
形而走又如翅舍伽僑曇比丘尼本白衣時
七子皆死大憂愁故失心發狂有人大瞋不

聖八士一尹

能自制成大癡狂有愚癡人惡邪故以灰塗
身拔髮裸形狂癡食糞有人若風病若熱病
病重成狂有人惡鬼所著或有人癡飲雨水而
狂如是失心如是種種名爲狂得見佛故狂即
得正問曰亂者得定狂則是亂以何事別答
曰有人不狂而心多散亂志如獮猴不能專住
是名亂心復有遠務忽忽心著衆事則失心
力不堪受道問曰亂心有何因緣答曰善心
轉薄隨逐不善是名心亂復次是人不觀無
常不觀死相不觀世空愛著壽命計念事務
種種馳散是故心亂復次不得佛法中內樂
外求樂事隨逐樂因是故心亂如是亂人得

見佛故其心得定問曰先言狂者得正今言
裸者得衣除狂云何更有裸答曰狂有二種
一者人皆知狂二者惡邪故自裸人不知狂
如說南天竺國中有法師高座說五戒義是
衆中多有外道來聽是時國王難曰若如所
說有人施酒及自飲酒得狂愚報當今世人
應狂者多正者少而今狂者更少不狂者多
何以故爾是時諸外道輩言善哉斯難甚深
是禿高座必不能答以王利智故是時法師
以指指諸外道而更說餘事王時即解諸外
道語王言王難甚深是不知答耻所不知而
但舉指更說餘事王語外道高座法師指答
聖八

已訖將護汝故不以言說向者指汝言汝等
是狂狂不少也汝等以灰塗身裸形無耻以
人觸體盛糞而食拔頭髮卧刺上倒懸熏鼻
冬則入水夏則火炙如是種種所行非道皆
是狂相復次汝等法以賣肉賣鹽即時失婆
羅門法於天祠中得牛布施即時賣之自言

得法牛則是肉是誰惑人豈非失耶又言入吉河水中罪垢皆除是爲罪福無因無緣賣肉賣鹽此有何罪入吉河水中言能除罪若能除罪亦能除福誰有吉者如是此諸事無因無緣強爲因緣是則爲狂如是種種狂相皆是汝等法師將護汝故指而不說是名爲

裸形狂復次有人貧窮無衣或弊衣縕縷以佛力故令其得衣問曰飢者得飽渴者得飲云何飢渴答曰福德薄故先出無因今出無緣是故飢渴復次是人先出奪佛阿羅漢辟支佛食及父母所親食雖值佛出猶故飢渴以罪重故問曰今有惡出生人得好飲食值

坐禪一人廣求檀越修諸福業至釋迦文佛出世一人生長者家一人作大白象力能破賊長者子出家學道得六神通阿羅漢而以薄福乞食難得他日持鉢入城乞食遍不能得到白象廄見王供象種種豐足語此象言我之與汝俱有罪過象既感結三日不食守象人怖求覓道人見而問言汝作何呪令王白象病不能食答言此象是我先身時弟共於迦葉佛時出家學道我但持戒誦經坐禪不行布施弟但廣求檀越作諸布施不持戒不學問以其不持戒誦經坐禪故今作此象大修布施故飲食備具種種豐足我但行道

正八

古

尹

佛出生而更飢渴若罪人不應生值佛出若福人不應生惡出何以故余答曰業報因緣各各不同或有人有見佛因緣無飲食因緣或有飲食因緣無見佛因緣譬如黑蛇而抱摩尼珠卧有阿羅漢人乞食不得又如迦葉佛時有兄弟二人出家求道一人持戒誦經

種種病今出冷熱風發故亦得種種病今出病有二種一者內病五藏不調結堅宿疾二者外病奔車逸馬堆墜墜落兵刃刀仗種種諸病問曰以何因緣得病答曰先世好行鞭杖拷掠閑繫種種惱故今世得病現世病不知將身飲食不節卧起無常以是事故得種種諸病如是有四百四病以佛神力故令病者得愈如說佛在舍婆提國有一居士請佛及僧於舍飯食佛住精舍迎食有五因緣一者欲入定二者欲爲諸天說法三者欲遊行觀諸比丘房四者看諸病比丘五者若未結戒欲爲諸比丘結戒是時佛持戶排入諸比丘房見一比丘病苦無人瞻視卧大小便不能起居佛問比丘汝何所苦獨無人看比丘答言大德我性嬾他人有病初不看視是故我病他亦不看佛言善男子我當看汝時釋提婆那民與水佛以手摩其身摩其身時一切苦痛即皆除愈身心安隱是時世尊安徐

聖六

十五

甲

扶此病比丘起將出房澡洗著衣安徐將入更與敷蓐令坐佛語病比丘汝久來不勤求未得事令得未到事令到未識事令識受諸苦患如是方當更有大苦痛比丘聞已心自思念佛恩無量神力無數以手摩我苦痛即除身心快樂以是故佛以神力令病者得愈形殘者得具足云何名形殘若有人先世破他身截其頭斬其手足破種種身分或壞佛像毀佛像鼻及諸賢聖形像或破父母形像以是罪故受形多不具足復次不善法報受身醜陋若今世被賊或被刑戮種種因緣以致殘毀或風寒熱病身生惡瘡體分爛壞是名形殘蒙佛大恩皆得具足譬言如祇洹中汝字捷抵捷抵秦是波斯匿王兒子端正勇健心性和善王大夫人見之心著即微呼之欲令從已捷抵不從夫人大怒向王讒之反狀其罪王聞即節節解之棄於塚間命未絕頃其夜虎狼羅刹來欲食之時佛到其邊光明

照之身即平復其心大喜佛爲說法即得三道佛牽其手將至祇洹是人言我身已破已棄佛續我身今當盡此形壽以身布施佛及比丘僧明日波斯匿王聞如是事來至祇洹語捷坻言向汝悔過汝實無罪枉相刑害今當與汝分國半治捷坻言我已厭矣王亦無罪我宿世殃咎罪報應我今以身施佛及僧不復還也如是若有衆生形殘不具足者蒙佛光明即時平復是故言乃至形殘皆得具足蒙佛光明即時平復

一切衆生皆得等心相視如父如母如兄如弟如姊如妹亦如親親及善知識是時衆生等行十善業道淨修梵行無諸瑕穢恬然快樂譬言如比丘入第三禪皆得好慧持戒自守不媿衆生論問曰是諸衆生未離欲無禪必定不得四無量心云何得等心答曰是等非禪中等是於一切衆生中無怨無恚以此等故善心相視復次等心者經中有言云何等

聖八

十六

尹

心相視如父如母是名等心問曰視一切衆生便是父母兄弟姊妹不答曰不也見老者如父母長者如兄少者如弟姊妹亦尔等心力故皆如親親問曰云何非父母言父母乃至非親親言親親不墮妄語耶答曰一切衆生無量世中無非父母兄弟姊妹親親者復次實相法中無父母兄弟人著吾我顛倒計故名爲父母兄弟今以善心力故相視如父如母非妄語也復次如人以義相親非父事之爲父非母事之爲母兄弟兒子亦復如是如人有子行惡黜而棄之他姓善行養以爲子如是相視則爲等心如說偈

是時衆生等行十善業道者身業道三種不殺不盜不邪婬口業道四種不妄語不兩舌不惡口不綺語意業道三種不貪不憚害不邪見自不殺生不教他殺讚不殺者見人不

殺代其歡喜乃至邪見亦有四種問曰後三業道非業前七業道亦業云何言十善業道答曰沒少從多故通名業道後三雖非業能起業又復爲業故生是故捲名業道淨修梵行無諸瑕穢問曰上說行十善業道此理已定今何以復言淨修梵行答曰有人行十善業

聖八

十七

五

道不斷婬今更讚此行梵天行斷除婬欲故言淨修梵行無諸瑕穢者行婬之人身惡名臭以是故讚斷婬人言無諸瑕穢恬然快樂者問曰此何等樂答曰是樂二種內樂涅槃樂是樂不從五塵生譬言如石泉水自中出不從外來心樂亦如是行等心修梵行得十善業道清淨無穢是名內樂問曰此樂何界繫欲界繫色界無色界繫耶答曰是樂欲界繫亦不繫非色無色界繫今言譬如比丘入第三禪若是色界繫不應言譬如比丘得第三禪以是事故知非色界繫此欲界心生喜樂一切滿身譬如燭蘇漬身柔軟和樂不繫者

得般若波羅蜜相觀諸法不生不滅得實智慧心無所著無相之樂是爲不繫問曰佛言涅槃第一樂何以言第三禪樂答曰二種樂有受樂有受盡樂受盡樂一切五陰盡更不生是無餘涅槃樂能除憂愁煩惱心中歡喜是名樂受如是樂受滿足在第三禪中以是故言譬如第三禪樂問曰初禪二禪亦有樂受何以故但言第三禪答曰樂有上中下下者初禪中者二禪上者三禪初禪有二種樂根喜根五識相應樂根意識相應喜根二禪中意識相應喜根三禪意識相應樂根一切三界中除三禪更無意識相應樂根是五識不能分別不知名字相眼識生如彈指頃意識已生以是故五識相應樂根不能滿足樂意識相應樂根能滿足樂以是故三禪中諸功德少樂多故無背捨勝處一切入過是三禪更無樂以是故言譬如比丘入第三禪一切衆生皆得好慧持戒自守不燒衆生者問

曰何以故次樂後言皆得好慧答曰人未得樂能作功德既得樂已心著樂多故不作功德是故樂後次第心得好慧好慧者持戒自守不燒衆生問曰持戒是名自守亦名不燒衆生何以故復言自守不燒衆生耶答曰身

口善是名持戒撿心就善是名自守亦名不

聖八

十八

五

燒衆生一切諸功德皆戒身定身慧身所攝言好持戒是戒身攝好自守是定身攝不燒衆生禪中慈等諸功德是慧身攝問曰亦無有人言不好持戒者今何以言好持戒答曰有如婆羅門著世界法者言捨家好持戒是爲斷種人又以自力得財廣作功德如是有

福出家乞食自身不給何能作諸功德如是

爲呵好持戒亦有著世界治道人呵好自守者言人當以法治世賞善罰惡法不可犯不捨尊親立法濟世所益者大何用獨善其身自守無事出亂而不理人急而不救如是名爲呵好自守亦有人呵好不燒衆生者言有

怨不能報有賊不能擊惡人不能治有罪無以肅不能却患救難嘿然無益何用此爲如是爲呵好不燒衆生如說偈

人而無勇健 何用生世間 親難而不救如木人在地

如是等種種不善語名爲呵不燒衆生是諸

天人皆得好慧持戒自守不燒衆生行是善法身心安隱無所畏難無熱無惱有好名善譽人所愛敬是爲向涅槃門命欲終時見福心喜無憂無悔若未得涅槃生諸佛世界若生天上以是故言得好慧持戒自守不燒衆生

十九末

聖八

聖九

熙怡上許之反下余之反潘殿上字音幡米淮津也閻亢或作閼六反音剛東方宿名韋紐下尼反音搏鹿博音氐低苦圭轉揜羅上元作驛反音非此用或觜子移擴反俱猛澀色立反無鑑縷上郎舍反音充馬舍推壓上反音充馬舍

押下音榜掠上音考戮六戶排街下蒲拜升捷氏
遲音讒助銜枉紓往瑕音姚奴了黜丑律
 燭煖音暖漬子賜

大智度論卷第九

聖九

龍樹菩薩造 姚秦三藏法師鳩摩羅什譯

釋初品中現普身

○爾時世尊在師子座上坐於三千大千世界中其德特尊光明色像威德巍巍遍至十方如恒河沙等諸佛世界譬如須彌山王光色殊特衆山無能及者論問曰佛以何力故於一切衆生中其德特尊光明威德巍巍乃如是耶如轉輪聖王諸天聖人亦有大力光明威德何以獨言佛德特尊答曰此諸賢聖雖有光明威德有量有限譬如果日光既出則沒不現佛從無量阿僧祇劫集大功德

一切具足因緣大故果報亦大餘人無此復次佛世間修諸苦行無量無數頭目髓腦常施衆生豈唯國財妻子而已一切種種戒種壞不可盡智慧世間修行已具足滿此果力故得不可稱量殊特威神以是故言因緣大故果報亦大問曰若佛神力無量威德巍巍不可稱說何以故受九罪報一者梵志女孫陀利謗五百阿羅漢亦被謗二者旃邏婆羅門女繫木盂作腹謗佛三者提婆達推山壓佛傷足大指四者迸木刺腳五者毗樓瓈王興兵殺諸釋子佛時頭痛六者受阿耆達多婆羅門請而食馬麥七者冷風動故脊痛八者六年苦行九者入婆羅門聚落乞食不得空鉢而還復有冬至前後八夜寒風破竹索三衣禦寒又復患熱阿難在後扇佛如是等世界小事佛皆受之若佛神力無量三千大千世界乃至東方恒河沙等諸世界南西北